

中华全国图书馆

文献缩微中心



山西省图书馆 摄制

1989

[光緒]榆次縣續志四卷

(清)吳師祁修黃汝梅等纂

清光緒十一年刻本

二冊

原件收藏

山西省图书馆

原件书号

00907-00908

原件状况

原件有部分破损

原件有部分字迹模糊

部书共摄制 1 卷 卷一至卷四

版权所有 不准复印

# 本部书开始

本片卷含：卷一至卷四

榆次縣續志

卷一

建置田賦

卷二

職官科目  
例仕心物



光緒十一年續修

續

(24141)

編

板存書院

榆次縣續志序

余卸榆篆之明年適榆邑續志告

成都人士以余知榆事為最悉而

能言之詳也去任以序屬余受而

讀之我例之得失門目之繁簡與夫

世事之變遷時勢之更異皆常談故

山西省圖書館  
地方文獻

視舊志或因或革具以於茲披之可省  
每以贊為也余惟州邑之志一代之史  
之所取材也將以行而傳必其於事  
有美無惡徵實遠備體重如斯擊  
悅為文者無尚于邑境俗歸敦龐習於  
儉嗇有陶唐氏之遺風富者取貨

殖擁厚貲自奉公者地方有大工役大  
賙恤則捐金助賑官所名錄之貧而仰  
食者率數百十家歲以為常山年展  
轉溝壑窳死不為盜賊嗚乎三代之直  
其在斯乎續志上起同治甲子歲迄  
今終其有餘年耳其間災異迭見

荒旱頻仍迨丁戌之文迄野哀鴻迨瑾  
相望之官不忍其死亡蜀征發賑糶救  
之者不遺餘力而道衢饑官之區率已  
十室九空滿目汗萊行者裹足君子觀  
於感哀典廢之際亦嘗不慨嘆於速也然

邑之孝子節婦獨行時士皆不以類  
沛異生播及事官政亦不以偷者  
易生官誠所德也乃之強固生走使  
然者與斯志特如詳于可禮知生所  
重也已余官斯土時去大役未遠戶  
口凋殘鄰省義氏給給雜費生年

乘其閒也作暴興問蓋非昔之樸茂  
矣披舊志有謂民如爭訟歸怨難  
治者泊於政體生民受命豈尚虐  
節非公不入宰室其少人是法奉  
公惟官命是從遇有疾苦於難父  
老如年赴愬於官若子弟之於父兄  
請命以言依違不敢逞私智而梗教  
令然則世所難治者生也昔殊情耶  
抑傳聞之過耶第揜人之望予者

至深且厚其所以招輯流離潤田野求  
生聚革除弊政禁暴戢奸期與吾民  
含育休息修明禮讓千百未能什一



載筆者於一二已事紀之編端則道  
以重予之過予滋懼之所望後之覽者  
知氏似之方有可為接後而教化之也後  
古治而臻全盛則續志之作可不當矣昔  
在光緒十年歲次甲申孟冬上澣平利

張承熊序於太原清軍府署



敘

今江督威毅伯況浦為公接署之  
次年災困既蘇民慶更生剔幽扶  
滯百瘕俱興於是覽表裏之河  
山榜焉乘之文獻慨然念山西通志  
百餘年未久已失脩其尚以治沿革  
人文興替缺畧湮沒而不載者蓋不

知凡幾乃於會垣立通志局令各  
州縣依舊志篇目續纂近事輯為  
成書以備採擇而榆次二遂有續志  
之書夫榆之有志自晉昭陶祭酒  
褚為書兩公創收後遂及我朝  
屬加脩輯迄同治初知縣俞公  
浚彙舊志而重訂之其時總纂坊  
巷邑人王仲坦互相圍兩先生皆  
博學鉅儒考覈精當詳畧得宜  
距今未廿餘年耳疆理依然風  
俗由舊所謂沿革興替之事固自  
無多然天下事無一為之則功不勞  
而事鮮失迨其久也而後修之則遠  
忘既多必有沿訛踵誤不足以信今

而傳後者然則是舉也固何承也  
公之志而實於邑孰典勿忘之要  
務也代理邑侯次雲張公及諸紳  
士以採訪稿本囑余刪潤余不獲  
辭因依類排纂釐為四卷以俟夫  
通志局之採取焉

光緒十年冬平定王倣敘



續志姓氏

總裁

同知銜在任候補直隸州知州知榆次縣事舉人 吳師祁  
署太原府清軍府前代理榆次縣事副榜 張承熊

訂正

儒學

教

諭

舉

人

高上理

儒學

訓

導

廩

貢

王六勳

參訂

典

史 陳德培

總纂

同知銜卽補直隸州知州前浙江東陽縣知縣進士 黃汝梅  
吏部主事記名軍機章京進士 王 傲  
分纂

同 知銜特用知縣舉人 白生華  
內閣中書銜前永濟縣訓導舉人 杜道周  
正紅旗教習候補教諭舉人 王春第  
揀 選 知 縣 舉 人 侯化宣  
經理

運 同銜選用縣丞生員 郭大鏞  
候 銓 訓 導 廩 貢 生 韓 暉

增 廣 生 員 王 燮

科 中書銜孝廉方正生員 史宗虞

監 貢 生 王 管

附 貢 生 桑步衡

科 中 書 銜 附 貢 生 桑蔭夏

光祿寺署正銜附貢生 王子怡

儘先委用教諭舉人 閻蔚如

校對

前沁水縣訓導舉人 張映斗

分發山東卽用知縣進士 李廷實

保舉選用訓導邑廩生侯徵秦

特用知縣分缺先直隸州州判拔貢生李師沆

廩生郭兆麟

優行廩膳生員王汲

採訪貢生賈廷案

恩科中書銜恩貢生郭廷楨

侯選教諭副榜王兆鵬

附廩貢生郝彥聖

附貢生成學禮

平魯縣訓導舉人郝繩武

補用鹽大使監生王希仁

員外郎銜戶部主事進士李馨國

大同縣訓導附貢生趙津

大挑二等舉人楊時棟

增貢生周東陽

生員白躍舟

歲貢生郝暄

附貢生宋師宗

副榜王用中

榆次縣志卷一 姓氏

分缺先試用訓導廩生趙蔭之

揀選知縣舉人榮捷

揀選知縣舉人王徽五

附貢生馬春沼

舉人王豹南

舉人張耀南

廩生常立屏

生員張爾翼

舉人胡樹棻

生員郭永恩

舉人郭連霄

廩生員白耀西

舉生要振遠

舉人王夢齡

舉人郝桂馨

舉人趙綏之

舉人侯汝寬

舉人張映璽

舉人楊櫛

武舉生李占鰲

繪圖

廩 生 王黎照

籍書

廩 生 段 笏

生 員 閣翰清

生 員 王念祖

生 員 李寶華

督刊

從 九 銜 邑 人 齊玉珩

榆次縣續志凡例

一志係續纂非闕重修凡舊志所載間有辯正而事不刪除亦或增加而文無點竄不惟示由舊亦以節經費也

一舊志門類綦詳自同治初重修後事尙無多除人物傳列女傳外其餘皆寥寥數則俱以類相從不復多分條目以歸簡易

一近事惟光緒三四年災賑事爲有關地方大利害故凡蠲征緩征豁免瓜貢屢次履勘荒田及本地捐輸散賑事宜俱備書於冊使後之覽者知

恩之浩大而撫字招墾尤當盡心焉

一 人物如係生存雖有嘉言懿行不爲立傳非慮其改操易行也以其後口建白尙恐不止於此未可遽爲限量且以杜世之傲倖求名者

一 節婦未及請旌年限者姑另冊存記以俟續纂其年限未滿而已歿者則依次編入以慰苦志

一 事有無類可附而不可不書者另立紀事一門次第排纂亦志餘之例也

一 補遺糾誤所以彌舊志之疏漏然必有闕地方利病風俗觀感方敢採輯其有事涉怪誕而語欠雅

馴者概從刪削

一 藝文應載著述書目詩文不須多收然一邑之中卓然以經術治術名家者固不多見其有自具識見吟詠性情及有裨世教文字卽宜錄之以爲後學典型茲就前志所遺再加蒐羅各登數首亦不敢濫收也

一 脫稿之後校對已閱數次尙恐譌字斂字及體例未協者在所不免覽者隨時糾正是所深望焉



榆次縣續志目錄

卷一

建置 考院 橋梁 養濟院 寺觀

田賦 征收舊章 荒田 戶口 均減差徭  
積儲 緩征帶征 豁免貢瓜

卷二

職官 宦蹟附

科目 孝廉方正 恩賜 五貢 武科目附

文武例仕

人物傳 才品 孝友 義行 藝術

卷三

列女傳上

列女傳下

孝婦義婦附

卷四

藝文

紀事

賑務

祥異

廟會

會政案據

書院生息

補遺

堡寨

河渠

恩宴

科目

例仕

人物

糾誤

河渠

武畧


繪圖目錄

考院圖

養濟院圖

考院圖

東



曾公祠

興化園

至公堂

西文場

東文場

魁樓

考院


照牆

坊牌西

坊牌東

照牆

西



養濟院


橋河洞



榆石亭



城縣



東

關南

榆次縣續志卷之一

建置

考院

橋梁

養濟院

寺觀

考院

榆本晉之劇邑地大物博人文蔚盛乾嘉時應童子軍者不下千人而未設考場每屆邑試卽以衙院爲考院苫蓋蘆屋日災雨淋士皆苦之前人屢議修建以工程浩大有志未逮光緒五年邑富紳慨助鉅貲始於書院之良維購置地基建置考院內正廳五楹爲威毅伯曾公生祠其前爲堂皇爲左右號舍又其前爲儀門爲大門爲東西牌坊東南建奎樓以象文明

西偏連厦數十間皆繚以高垣規模宏濶屋宇深邃  
應試者可無湫隘暴露之苦矣

橋梁

神龍橋 在什貼鎮之北卽舊志所謂土橋也爲三省  
孔道始建年月無考咸豐同治間屢加修築光緒三  
年歲大旱轉運賑糧輪蹶晝夜不絕兼之積潦冲刷  
橋脊土僅餘三五尺勢極危險本鎮舉人杜道周等  
募貲重修傍舊址築新橋一座高十丈有奇長如之  
濶半之旁開水洞四十餘丈上築圍牆五十餘堵屹  
然聳峙行者稱便

金水橋 在什貼鎮之南與神龍橋對峙修建年月前  
志載之自嘉慶二十年重修後積年溝水漲發屢築  
屢圯光緒四年洞口石坡全行坍塌陷爲深溝里人  
與神龍橋同時興築增修石坡二十餘丈頗稱完固  
神泉 在金水橋旁光緒五年春橋工大作致水頗艱  
泉忽從旁湧出足敷工用人以爲神助云

養濟院

養濟院舊建在城五鋪常樂寺西同治八年吳縣令移  
置大西門外弔橋西南常樂寺香火地內其趾計地  
四畝東北至道西南俱至郭姓內正廡五間東西廡

各五間舊趾改建財神廟即令常樂寺經管

寺觀

清安寺 在楊壁村前明成化年建 國朝順治年重

修光緒年續修

保安寺 褚村古刹也地卑下每大雨溝水畢集寺四

圍垣址往往被淹光緒四年里人白耀西等公議築  
堰四面各高五尺許其患始息

田賦 征收舊章 荒田 戶口 均減差徭

征收地丁錢糧舊章

地丁錢糧為 國家正賦應由民間自封投橫包

納代交易滋流弊例禁本極森嚴榆次城鄉共七十都而鄉之六十都分屬於城關十都置十橫以憑徵收董其事者有十總里十橫書各都又立小里則幫總里催遞年完納者也又立遞年則代小里催花戶完納者也每屆徵期官請十總里當堂開徵橫書下橫傾銀必以二兩五錢為錠自封投之維時鄉民有不慣入公門者城內錢鋪或代為

交納而點糧錢鋪因此設焉今雖間有自封完之  
積書者然大抵官差催之遞年遞年收之花戶然  
後匯交點糧錢鋪代行完納而十總徒有其名十  
積亦屬虛設矣向有征收地丁錢糧章程碑立於  
縣署茲節錄之以俟夫勤求民瘼者規復舊額焉  
征糧章程年遠者不可得詳自乾隆間審差後以一四  
九七征之每石糧征銀一兩四錢九分七釐每兩糧  
銀加庫平不過榆市平三分另加耗羨銀一錢三分  
共交銀一兩一錢六分傾官銀一兩給匠工錢十五  
文詎日久弊生書吏銀匠包戶內外串通屢年增長  
漸至一兩二錢二分銀匠火資至六十文鄉民含忍  
莫敢爭論嘉慶二十五年春適永益庫屋漏積損十  
總里糾集士民議攤修庫積於二月十三日具稟以  
願修庫積乞 恩減革重征稟縣縣批未准修積至  
銀匠書吏包戶等如果分外科索自可隨時稟究豈  
能因此另易章程據此殊難准行復於十八日以鈞  
批渾含捧誦未悉乞明示定章以平征收等語具懇  
時本縣訪問兩學兩將捕廉洞悉情弊蒙批征收錢  
糧向有定章日久循行本難改易爾等既稱銀匠書  
吏包戶不無索詐等情准將花戶所納錢糧著照當



日定例辦理批示後本邑馬觀光等感縣天之恩恐其下收易而上交難從中調停除批解一兩一錢六分外與官加使費銀二分共一兩一錢八分之數銀匠等免其斥責每兩限火資錢三十文章程既定春季卽照此交納詎銀匠等猶不免把持復具呈公保銀匠另設銀鑪秉公傾收但慮年遠日久仍蹈前轍因鑄石紀之

此碑向樹衙院衆目共觀後某令收入庫藏民不得見矣今將原碑記載藝文

荒田

天災流行村落爲墟汙萊之田彌望皆是雖屢經查勘猶多遺漏在 朝廷議蠲議緩不惜虧正賦

以甦民困然荒而不治亦良有司之所病也謹將光緒九年十二月頒到膳黃恭錄於左庶招流亡勸懇闢有所稽覈云

光緒九年十二月二十日內閣奉

上諭張之洞奏確查荒地籲懇分外展限啟徵開單呈覽一摺山西自大祲以後荒田甚多前經迭次准予蠲緩糧銀茲據該撫續行查明前案所查荒地尙有錯混遺漏等項若仍一律依限起徵民力實有未逮加恩著照所請所有榆次縣荒地糧銀七百四十一兩四錢零米豆穀九十三石八斗一升零著自光緒八年起停徵並

將該縣五六七等年民欠未完正耗租銀三百八十七兩一錢零米豆穀四十三石八斗四升零一併豁免吉州榆次岳陽介休芮城和順六州縣荒糧銀四千七百五十七兩五錢零米豆穀五十四石一斗五升零均著自光緒九年起停徵並將榆次縣光緒五六七八等年荒糧內民欠未完一併豁免其停徵銀米豆穀統以實在開墾之日起展限三年再行啟徵以紓民力該撫卽按照單開各項數目詳細刊刻謄黃徧行曉諭務使實惠均霑無任吏胥舞弊用副軫念民艱至意欽此具報錯混項下

榆次縣

原報張慶等二十一村有主荒地九十頃三十九畝七分五釐五毫停徵三年正耗銀六百八十六兩七錢六釐二毫米豆八十三石六斗九升九合六勺三撮光緒六年由善後局詳請具奏時將九十頃三十九畝七分五釐五毫誤寫爲三百九十一頃七分五釐五毫以致地畝不符旋據民人郭滿玉等呈控以災後查荒鄉愚未能盡知嗣見張貼謄黃始知尙多遺漏等情復經委員前往會查現在查明實係有主荒地一百七十五頃六十七畝五分八釐九毫正

耗銀一千三十三兩九錢三分二釐一毫四絲六忽  
五微租銀三十九兩八錢九分三釐米豆一百二十  
七石四斗三升二合七抄穀一斗一升內已報墾地  
五十四頃二十七畝七分二釐已於光緒八年起徵  
應除正耗銀三百三十二兩三錢九分九釐二毫米  
豆三十三石七斗二升六合七勺八抄實未墾地一  
百二十一頃三十九畝八分六釐九毫正耗銀七百  
一兩五錢三分二釐九毫四絲六忽五微租銀三十  
九兩八錢九分三釐米豆九十三石七斗五合二勺  
九抄穀一斗一升應請自光緒八年起停徵俟開墾  
三年後再行啟徵再此項地種爲原報所及者正耗  
銀六百八十六兩七錢六釐二毫米豆八十三石六  
斗九升九合六勺三撮已於光緒五六七三年奏銷  
冊內開除免徵爲原報所未及者正耗銀三百四十  
七兩二錢二分五釐九毫四絲六忽五微租銀三十  
九兩八錢九分三釐米豆四十三石七斗三升二合  
四勺六抄七撮穀一斗一升光緒五六七三年奏銷  
冊內尙係民欠未完並請一並豁免

查辦遺漏項下

榆次縣

遺漏孟家井等一十八村並占道等一十二村荒地  
一百一十五頃三十五畝九分六釐六毫五絲一忽  
正耗銀四百八十八兩六錢六分四毫七絲九忽租  
銀二十三兩七分九釐米豆五十二石七斗九升九  
勺八抄二撮穀一石三斗六升五合

戶口

戶口 光緒五年自大祲後戶凡三萬八千一百四戶  
男女大口一十萬一千二十九 童小黃口六萬  
三千七百八十四 九年戶凡三萬八千一百三十  
一戶 男女大口十萬五千四百四十一 童小黃  
口五萬六千二百二十九

均減差徭

地當孔道差務殷繁額設夫馬不敷供應不得不  
借資民力亦勢之所必然者也承平日久濫支濫  
應諸弊叢生由是多立名目派諸閭閻而民有不  
堪其苦者矣此大祲之後歷任撫憲皆以均減差  
徭爲第一要政也記均徭事

榆次差費向係圍邑按糧均攤額徵地丁歲計六萬餘  
兩除城關永康鳴謙臨大道諸村實在支差不攤差  
費外實計攤差糧銀五萬五百餘兩乾隆間城內設

立公和局

按新章應改爲清徭局

專司催集里下差費勾稽出入在局者百六十五村計糧銀三萬二千一百餘兩

每糧銀一兩攤差錢三百三十文共錢一萬六百八十餘千局外四十二村糧銀一萬八千四百餘兩共攤差錢一千六百八十串兩項合計共錢一萬二千三百六十串其後遞有增益光緒六年以前猶攤錢一萬四千餘串嗣迭經撫憲飭減八年冬定爲在局百六十五村每兩糧銀攤錢二百共錢六千三百餘串局外之村每兩糧銀攤錢百四十一文共錢二千四百餘串又加三郝村通年幫差錢七十千

因奏免瓜貢

亦攤

差費三項共錢八千八百三十六串除辦兵差另議

外按向章每遇兵差票傳車馬凡一輪用車百餘輛馬三百餘匹

每年差錢卽以此

數爲額不得於民間再有加派前代理縣張令試辦

經年除按季開銷外尙有贏餘

差錢局中按四季交官亦按四季銷算呈

報省局九年夏秋兩季各餘錢百串有奇憲批贏餘之錢按季存交妥鋪專備大差及兵差之用

擬新章十條稟請彙刊立案分存諸處永遠遵行

新章鳴謙王胡兩號除額設夫馬外添買號馬十五匹

覓定排車十六輛輪流支差已足敷用光緒八年九

年冬鳴謙廠夫復有扣留來往車驟運送銀鞘及私

印執照攤派喂養車馬各戶等事均經代理令張出

示嚴禁革除諸弊

積儲

大祲後各邑倉儲皆虛 撫憲曾籌辦善後奏 明以  
辦賑餘款買補倉穀光緒七年邑令吳領到銀七千  
七百三十兩餘補葺廩座分派城關四鄉買倉石穀  
七千三十五石八斗七升九年代理令張復領到銀  
三千二百九十兩餘買倉石穀三千一百四十一石  
一斗六升六合三勺

按縣常平倉穀原額二萬六千石至同治初猶存  
一萬七千石有奇茲兩次買補僅萬石餘榆次地  
大人衆儻有災歉未足恃也光緒九年秋撫憲張  
諭各州縣勸捐義倉社倉穀石以作儲備時縣有  
水災未經舉辦司牧者得無有意乎

緩征帶征

縣治東原戈等村成災八分九年頒到膳黃奉

旨將光緒三年下忙錢糧緩至四年麥熟後征收縣東北  
及西南雙村等五十九村成災七分將光緒四年正  
耗錢糧遞緩至五年六年帶征嗣

欽差稽查山西賑務閻宮保山西巡撫曾會奏請將四年  
正耗錢糧並米豆鹽稅等項無論成災多寡奉

旨一律豁免

豁免瓜貢

榆次向例歲貢西瓜六百四十瓜出縣之中郝東郝西郝三村歷年久遠舊志綦詳嘉慶初減免一半每歲正貢二百隨貢一百大稔後村落蕭條物產凋敝卽正賦猶多缺額 宮保曾撫憲憫念民困未紓物力維艱於光緒六年具 奏請永遠如數豁免奉到諭旨士民抃舞莫不感戴

皇仁

榆次縣續志卷之二

職官 宦蹟附

知縣

吳師祁 號子選江蘇江甯縣舉人同治三年任丁憂卸事服闋候補光緒四年復任

李寶箴 號子銘直隸獻縣人以進士卽用分發山西光緒乙亥任縣事清操絕俗不妄取一錢署

內供給較前減數倍商民稱便爲治寬猛兼濟刁民猾胥懲之不稍貸事無大小必親剖決年餘以積瘁卒於任宦囊蕭然民輸千金始得返葬

陳學富 號潤生湖北安陸人附貢光緒三年署任

張承熊 號次雲陝西平利人咸豐戊午副榜光緒八年代理 舊志惟載責任二公以奇勳特書

典史

王世縉

河南祥符人同治三年任

陳德培

直隸大興人光緒元年任

儒學教諭

蘇師軾

甯武舉人同治六年任

党壽章

甯武舉人同治八年任

高上理

蔚縣舉人光緒六年任

儒學訓導

王六勳

介休人廩貢生同治八年任

把總

許清選

平陽府人行伍六品同治五年任

王作棟

蒲州府人行伍五品同治十一年任

外委

田 澆

陽曲人行伍六品同治五年任

傅文煥

陽曲人行伍六品同治八年任

張 貴

陽曲人行伍六品光緒五年任



科目 孝廉方正 恩賜 五貢 武科目附

進士科

光緒丙子科曹鴻勛榜

李廷實 字遂菴東長凝人籤分山東卽用知縣

丁丑科王仁堪榜

李馨國 字蘭浦在城人戶部主事福建司行走加員外郎銜

張來麟 字孟祥楊村人有傳

恩賜翰林院檢討

豈式玉 豈家莊人

鄉科

王俊三

字仲招後改名希晉字少羲北田鎮人由揀發知縣署雲南順甯縣知縣代理雲州知州

榮捷

字晉三六堡鎮人郝繩武字念農西河堡人現任平魯縣訓導

庚午科

王春第

字榮及序賓次子甲戌考取教習充補正紅旗教習期滿以教職用

癸酉科

楊時棟

字松生東付村人庚辰大挑二等

楊櫛

字芳村東付村人

馬耀南

字箕垣王村人

李馨國

見甲科

光緒元年乙亥 恩科

侯化宣

亞元字布南德音村人揀選知縣

張映璽

字寶臣鳴李村人

李廷實

見甲科

丙子科

郭繼泰

字幼宗張慶村人

王徽五

字慎齋王都村人揀選知縣

郭連霄

字星槎郭村人

張來麟

見甲科

己卯科

胡樹棊

字毓軒東長壽人

趙綬之

字菴菴東陽鎮人

郝桂馨

字月峯王村人

侯汝寬

字敬五德音村人

王夢齡

字錫九龍田村人

壬午科

閻蔚如

字豹峯南關人儘先委用教諭

光緒乙亥 恩賜舉人

豈式玉 兄 恩賜翰林

陳時珍 南閩人

同治建元孝廉方正

王俊三 見鄉科

史宗虞 字桐封 史家莊人 生員

光緒建元孝廉方正

呂全慶 號社軒 南莊人 生 常立敬 車朝人 監生 朝 考二等 以州判用

胡元灝 字少梁 懷仁鎮人 生員 朝考一等 以知縣 分發河南 候補

恩貢

賈廷突 南閩人 同治五年 郭廷楨 張慶村人 十二年 貢

路 鐸 南閩人 光緒元年 常立愛 車朝村人 六年貢

郭鳳儀 紫坑村人 八年貢

拔貢

李師沆 字少初 在城人 同治癸酉科貢 特用知縣 分 缺先直隸州州判

副榜

李馨國 同治丁卯科 見甲 李廷實 庚午科 見甲科

王用中 郭村人 光緒元年 王昌耀 楊盤村人 光緒元 年 恩科

侯汝寬 丙子科 見鄉科

恩賜副榜

安煥普 王胡鎮人 同治庚 午科

歲貢

侯廷璽

在城人同治五年

王文蔚

侯村人七年貢

郝九齡

在城人九年貢

閻席珍

西聶村人十一年貢

郝 暉

大東關人十一年府學貢

張 楨

王胡鎮人十三年貢

郝彥聖

西河堡人光緒二年貢

郝登甲

辛置村人四年貢

任好古

東谷訓人六年貢

智履坦

使張村人九年貢

武科目

同治癸酉科

劉善治

王村人

光緒乙亥

恩科

于鎮川

龍田村人

文例仕

王俊宇

要村鎮人附貢生署絳縣訓導

趙 津

東陽鎮人現任大同縣訓導

張 炳

鳴李村人由監生任四川松藩廳照磨

曹鳳來

東聶村人由吏員分發直隸候補縣丞現以知縣用

閻駿業

使趙鎮人由附貢捐府經歷直隸候補

張 鉞

在城人由監生任湖南湘鄉縣婁底市巡檢

張瑞堂

李坊村人由行伍學習代理本縣外委

王成都

演武村人由武生代理本縣外委現任清源鄉外委

人物傳

才品

孝友

義行

藝術

才品

王平格字仲坦西長壽人幼穎敏十四應童子試邑令  
楊雲浦異之未冠補弟子員食餼道光丁酉以選拔  
貢成均甲辰登賢書丁未成進士仲坦內行肫篤讀  
書外無他嗜究心語錄注疏諸書務敦實行不侮人  
不欺人不道人短不炫己長有拂意輒自返曰我亦  
有不檢處豈得尤人嘗慕陶靖節之爲人作杏鄰間  
逸子傳以見志生平澹於榮利而獎掖後進惟恐不  
及登第後本以知縣卽用分發陝西以養病不赴任

祁縣書院講席其後雖一赴秦以母老改教歸里侍  
養主太谷講席初銓蒲州府教授未赴任而丁母艱  
服闋選澤州府教授谷人虛席以待逾年告歸遂仍  
擁皋比計前後主兩邑講綏三十年造就甚多時有  
經師人師之目其爲文雍容和粹如其人卒後門人  
立德教碑頌焉有杏鄰集古文制藝古近體詩梓行  
王序賓字敬侯號相圃東聶村人幼聰穎篤實年十七  
以考古優等入泮登道光癸卯賢書丁未成進士以  
知縣卽用簽分河南己酉調簾爲同考官薦一卷文  
甚古奧已發刻矣某同考得一卷與前卷雷同默封

示之曰若欲多一門生者則此卷批抹不薦矣公念  
多一倖中卽屈一真才因呈明主考燬板撤換榜發  
解元殿元均出本房旋署南陽府內鄉縣事廉潔自  
矢時時存除莠安良之心會縣考文武童有以賄進  
者且曰此舊例也公笑卻之曰爾等以饋贈爲例我  
以拔真材爲例使新例自我而開永絕苞苴不更善  
乎丁內艱卸事啟行時士庶送區送織留去思者數  
里外不絕毗連湖北之均州光華二縣因禁止奸民  
攔阻運粟一案請贈匾額以隔省辭謝而止服闋後  
不復出主講祁縣昭餘書院優游林下者數十年公

家本中貧自奉儉約惟周急濟乏爲務值歲浔饑出粟數十石賑其鄉年七十餘卒臨終自撰墓誌惟恐譽過其實自言無過人之才惟勉平恕存心凡事思留餘地不敢自以爲是詩文胚胎大家無時下叫囂習氣著有相圃文集論語俗說等書

張來麟字孟祥楊村人篤志儒修事繼母甚孝謹早歲遊庠士林卽以老宿甘之光緒丙子秋闈以家貧不徃母促之乃赴試是歲登賢書明年成進士時已失偶數年戚友咸勸續娶不聽母與戚族議之乃從命通籍後舊居停持三百金助資斧卻之再餽再卻其

廉於取如此初以知縣卽用因不忍遠離慈幃就教職選授蒲州府教授泣任甫數月病卒於官士論悼惜之

### 孝友

庠生許元英張慶村人也性至孝生平用力用勞克盡子職親歿之日一痛幾絕及卒戚族勒貞珉紀其行碑碣歸然皆實蹟也

劉炳東陽鎮人性孝友事親終身無間言母卒廬墓三年事死如生聞者感惻

楊玉福東陽鎮人家貧竭力奉母母卧疾十八年侍藥

餌維謹每禱於神求以身代母得以天年終

趙德瑞東陽人事親以禮兄早逝遺孤幼飲食教誨無

異己子四十餘年如一日

趙德全東陽人重骨月恤孤寡族姓有寒苦者給以房  
屋使有所庇遇瘟疫流行代爲延醫調治人皆德之  
王樹元椿元昆弟東白村人性皆純厚事親不懈晨昏  
伯仲之間訢訢如也一門雍穆數十年無異言後子  
姓繁衍因分炊樹元椿元終日談笑怡然相對嘗謂  
猶樹一株我輩根本堅固任風雨飄搖不爲動也人  
比之元方季方

石琳字廷珍北席村人也自幼瞻依膝下曲盡子職尤  
能和睦昆弟以娛親心後遭大故喪祭之儀必誠必  
敬鄉里咸以孝友稱之光緒初邑遭大祲曾輸金二  
千四百兩以助賑

閻應涂南關一里人篤於孝行事繼母甚謹年六旬時  
母患痢疾延醫祝禱俱不見效應涂憂之遂親視其  
糞嗅之以占病之吉凶如是兩月衣不解帶母臨終  
數稱其賢以爲雖親生子未能如是孝敬也

義行

許高級張慶村農家子世以力田煮鹽爲業父許貫昆



仲三人析居後伯父許瑞子天宗病故妻王氏有遺腹子天宗遺囑場一段磽田三畝並負人舊債高級與叔許昌代償之每年代刮地煮鹽供給孤寡並出粟飲助冀天宗子成立及其叔歿高級仍時時贍給不少倦云

饑饉薦臻得食維艱寡廉鮮恥所在皆是乃亦有身執賤役甘心窮餓而不悔者亟宜著之以見廉恥之道不沒於人心云劉祥雲者鳴李村人性耿介傭工度日年逾周甲值歲大饑困甚乃夜傍田渠穿一穴入其中以土自封人見之扶出與以饘粥且告以開賑

有期劉曰年荒歲凶天令人死敢倖逃乎終不食伺人去仍入土穴僵卧而死同時有羅建本武玉世者亦恥以乞憐苟活建本羅家莊農夫歲饑鬻產已盡謂妻子曰今主計無出其遺汝母子就食樂土何如妻曰別無他計乎曰不義之粟吾不忍食妻曰忍生離耶羅不語良久曰吾計得矣遂負杖鏤而出數日不歸其妻尋之已自爲墓而僵其中矣戚黨憐其節咸恤其妻子玉世龍田村人歲荒饑疲已甚或勸之乞假愀然曰大荒之歲十家九空誰有餘粒能活我者况吾生平不受人憐今老矣縱富人憐而施我我

豈能報之乎遂仰藥自盡後數日同里楊常在者亦飲藥死之數人者其殆不食嗟來之儔歟

杜先宏字兼容西白村人端方有義行一日途中檢一衣包歸視之乃少婦衣飾約值百餘金先宏曰此必婦人歸家所攜物儻翁姑訶責婦之性命繫此矣遂持之以俟於途俄有僕夫慇遽來訴失物狀先宏審其確卽以原物與之僕感泣而去

趙大普南溝村懋遷中人也精於醫尤好施與嘗制藥餌醫人有餽謝者恒卻之道光癸巳榆大饑斗粟千錢族人貧不自給將離散其妻子者普竭貲保全之大理鄉田公高其風爲作文表於墓

常齡字錫九車輞村人有善行精醫術年五旬尙無嗣遂立志以岐黃濟人暑雨祈寒有延必至而不受餽謝雖樽酒亦卻之故時有一炷香之稱遇無力市藥者輒施以良餌無德色後舉二子俱入學食餼而公以大年終所留遺稿有治痘集要雜症萃精數種人爭傳鈔之

王掄爲字次猷要村鎮人性聰穎明大義雖居奇起家而推解之情迥越尋常某姓負欠千餘金不能償慨然焚券寒素親友必力爲調給使無失所至今人猶

述其事

王掄修要村鎮人負其才幼讀書人以靈異稱之有某氏者家中落貧不能支遂作賣妻計修聞之曰某舊家子何忍視其離散輸百金以止之不數年某又作鬻子計復輸金以止之某氏遂得保全云

貽封文林郎趙完龍監生秦植東陽鎮人俱拾金不昧侯琬字序珍增貢生德音村人性寬厚存心利濟知無不爲村南有渠霑溉一村因鄰村侵占琬披瀝呈懇上憲案經數年需費多金渠得賴以保全有戚貧甚營宅居之且出資爲之婚娶以延其宗祀子秉忠

秉文夙秉義方制行一如其父秉文於咸豐四年赴直經紀時髮匪初過地方不靖秉忠念弟切嘗於夢中呼之遂嘔血卒秉文歸痛兄以已故致疾每食必至柩前哀哭聞者慘動未朞年亦以感傷過度卒一門厚德遠邇稱之

許方斌永康鎮人性肫厚尤好施予鄰村大張義村官道地最窪下每際夏天雨泥淖行人病之斌不惜重貲爲之化險爲夷里人感德爰勒碑道旁以紀其事

藝術

庠生郝玉根字萃峰中郝村人品性端潔鄉舉介賓至  
老篤學不倦善岐黃兼嗜數學著有五星元機斗綱  
三合河洛理數數種造本村涂河地冊界畫清晰村  
人益少爭競年七十四終

張錫申字子堅號守雌中郝村人縣學生員潛心天文  
尤精地理接皇極經世午會撰成年表補蔣公辨正  
挨星分其順逆未及付梓而終

趙鴻東陽鎮人邑庠生候選同知精痘科重訂引痘新  
法行世

